

# 1. სპს თავაძე და კომპანია სკოლა ანაბასისში მოსწავლეთა ჩარიცხვის, მობილობის, კლასიდან კლასში გადაყვანის, საფეხურის დაძლევის, სტატუსის შეჩერება, შეწყვეტის წესი

---

## 1.1. სკოლაში მოსწავლეთა ჩარიცხვა

სკოლაში მოსწავლეების ჩარიცხვა წარმოებს საქართველოს კანონმდებლობით დადგენილი წესით შემდეგი დოკუმენტაციის საფუძველზე:

- მშობლის/კანონიერი წამომადგენლის/ განცხადება სკოლის დირექტორის სახელზე;
- დაბადების მოწმობის ნოტარიულად დამოწმებული ასლი;
- საჯარო რეესტრის მიერ გაცემული მოსწავლის პირადი ნომერი;
- მშობლის/კანონიერი წამომადგენლის/პირადობის მოწმობის ასლი;
- ორი ფოტო სურათი 3X4;
- მოსწავლის პირადი საქმე;
- მოსწავლის მიმდინარე ან სემესტრული შეფასება გაცდენებით;
- ცნობა წინმსწრები კლასის დამთავრებისა და მომდევნო კლასში გადაყვანის შესახებ;
- ბრძანების ამონაწერი სკოლიდან ამორიცხვის შესახებ;

## 1.2. რეკომენდაცია მშობლებისათვის სკოლაში მოსწავლეთა გადმოყვანის დროს

სკოლაში მოსწავლეთა გადმოყვანის დროს სკოლა ვალდებულია მშობელს გააცნოს სკოლის სასკოლო სასწავლო გეგმა და შინაგანაწესი. გადმოსვლის მსურველ მოსწავლეებს: დაეხმაროს სასწავლო დისციპლინებში მათ მიერ გავლილ და სკოლაში არსებულ პროგრამებს შორის შესაბამისობის ხარისხის დადგენაში; პროგრამებს შორის მნიშვნელოვანი შეუსაბამობის შემთხვევაში გაეწიოს რეკომენდაციები ინდივიდუალური მუშაობისათვის, რათა სკოლაში სწავლის გაგრძელების შემთხვევაში პროცესი არ იყოს რთული, არ გამოიწვიოს თანაკლასელებისაგან მნიშვნელოვანი ჩამორჩენა აკადემიური მოსწრების კუთხით და არ მოხდეს მოსწავლეთა კანონიერი უფლებების დარღვევა.

## 1.3. სკოლაში მოსწავლეთა ჩარიცხვის გაფორმება

სკოლა ვალდებულია ყოველი მოსწავლის ჩარიცხვა სკოლაში გააფორმოს დირექტორის შესაბამისი ბრძანებით. ბრძანებაში მითითებული უნდა იყოს მოსწავლის გვარი,სახელი და შესაბამისი კლასი.

### 1.5. სკოლაში მოსწავლეთა კონტინგენტის განსაზღვრა

სკოლაში მისაღები კონტინგენტის განსაზღვრას უზრუნველყოფს სკოლის მენეჯმენტი.მოსწავლეთა კონტინგენტის განსაზღვრის პროცესში გათვალისწინებული უნდა იყოს სამივე საფეხურზე მოსწავლეთა მიღების აუცილებლობა,შესაბამისი კლასების რაოდენობა და სკოლის რესურსები.

ა) კლასში მოსწავლეთა მაქსიმალური რაოდენობა კლასებში განსაზღვრულია 25 მოსწავლით,

ბ) პარალელური კლასების არსებობა დასაშვებია იმ შემთხვევაში, თუ თითოეულ პარალელურ კლასში მოსწავლეთა მაქსიმალური რაოდენობა კლასებში არის - 26

### 2. მოსწავლის სხვა სკოლაში გადასვლა

მოსწავლეს უფლება აქვს გადავიდეს სასწავლებლად სხვა სკოლაში ზოგადი განათლების იმავე საფეხურზე, სურვილის შემთხვევაში:

1. სკოლამ საინფორმაციო სისტემის ოფიციალურ ვებ გვერზე მართვის ავტომატიზებული რეგისტრაციის საშუალებით უნდა მიიღოს მიმღები სკოლიდან მოთხოვნა;
2. მოთხოვნის ფორმაში აუცილებლად უნდა იყოს მითითებული მიმღები სკოლის ზუსტი დასახელება და მოთხოვნის გამოგზავნის თარიღი;
3. მოსწავლის მშობელი ან მოსწავლის კანონიერი წარმომადგენელი ვალდებულია სკოლაში წარმოადგინოს განცხადება რომელ სკოლაში გადადის მოსწავლე;
4. სკოლა ვალდებულია არაუგვიანეს სამი სამუშაო დღის ვადაში მოამზადოს და გაუგზავნოს მიმღებ სკოლას ფოსტის მეშვეობით შემდეგი საბუთები :
  - მოსწავლის სიიდან ამორიცხვის შესახებ ბრძანების ამონაწერი;
  - მოსწავლის პირადი საქმე;
  - ცნობა წინმსწრები კლასის დამთავრებისა და მომდევნო კლასში გადაყვანის შესახებ;
  - მოსწავლის სემესტრული და მიმდინარე ნიშნების ამონაწერი;
  - მოსწავლის დაბადების მოწმობის ნოტარიულად დამოწმებული ასლი;
  - მშობლების პირადობის მოწმობის ასლები;

5. მოსწავლის საბუთების მომზადებასა და გაგზავნას უზრუნველყოფენ კლასის დამრიგებელი და სკოლის საქმისმწარმოებელი.

### 3. მოსწავლის პარალელურ კლასში გადასვლა

მოსწავლეს უფლება აქვს გადავიდეს პარალელურ კლასში სურვილის შემთხვევაში:

1. მშობელმა/ კანონიერმა წარმომადგენელმა/ სკოლაში უნდა წარმოადგინოს განცხადება პარალელურ კლასში გადასვლასთან დაკავშირებით, რომელშიც დაფიქსირებული უნდა იყოს ის მოტივი, რისთვისაც განმცხადებელი ითხოვს მოსწავლის პარალელურ კლასში გადაყვანას;
2. საჭიროების შემთხვევაში, საკითხის გადაწყვეტის მიზნით, სკოლის დირექტორი უფლებამოსილია მოსთხოვოს დამატებითი განმარტებები დირექციის წევრებს, დამრიგებლებს ან პედაგოგებს;
3. მოსწავლის პარალელურ კლასში გადაყვანა არ გადაყვანის შესახებ გადაწყვეტილებას ღებულობს სკოლის დირექტორი განცხადების წარდგენიდან არაუმეტეს 10 სამუშაო დღის ვადაში;

### 4. მოსწავლის კლასიდან კლასში გადაყვანა

- მოსწავლის კლასიდან კლასში გადაყვანა ხდება სასწავლო წლის ბოლოს საბოლოო აკადემიური შედეგების მიხედვით;
- მოსწავლის კლასიდან კლასში გადაყვანისას აუცილებლად გათვალისწინებული უნდა იქნეს სასწავლო გეგმით დამტკიცებული კლასიდან კლასში გადასაყვანი ბარიერის პირობა;
- თითოეული მოსწავლის კლასიდან კლასში გადაყვანა სასწავლო წლის ბოლოს ფორმდება სკოლის დირექტორის ბრძანებით.

### 5. საფეხურის დაძლევა

- დაწყებითი საფეხური დაძლეულად ჩაითვლება, თუ მოსწავლის საფეხურის საერთო ქულა (დამრგვალების შემდეგ) არის 5.0 ან მეტი და ეროვნული სასწავლო გეგმის შესაბამისად, დაძლეული აქვს V-VI კლასები, რაც აძლევს მას საბაზო საფეხურზე სწავლის გაგრძელების უფლებას.
- საბაზო საფეხური დაძლეულად ჩაითვლება, თუ მოსწავლის საერთო საფეხურის ქულა (დამრგვალების შემდეგ) არის 5.0 ან მეტი და პირველი პუნქტის შესაბამისად, დაძლეული აქვს საბაზო საფეხურში შემავალი ყველა კლასი, რაც აძლევს მას საბაზო განათლების ატესტატის აღების, ან საშუალო საფეხურზე გადასვლის უფლებას.
- საშუალო საფეხური დაძლეულად ჩაითვლება, თუ მოსწავლის საერთო საფეხურის ქულა (დამრგვალების შემდეგ) არის 5.0 ან მეტი და პირველი

პუნქტის შესაბამისად, დაძლეული აქვს საშუალო საფეხურში შემავალი ყველა კლასი, რაც აძლევს მას სკოლის გამოსაშვებ გამოცდაზე გასვლის უფლებას.

## 6.. მოსწავლის სტატუსის შეჩერება

1. სკოლა ვალდებულია დაწყებით, საბაზო და საშუალო საფეხურის მოსწავლეს შეუჩეროს მოსწავლის სტატუსი იმ შემთხვევაში, თუ:

ა) მოსწავლე 90 სასწავლო დღის განმავლობაში ზედიზედ არ ცხადდება სკოლაში და არ იღებს შეფასებას;

ბ) უცხო ქვეყნის მოქალაქე ან მოქალაქეობის არმქონე პირი (გარდა საქართველოში მუდმივად მცხოვრები მოქალაქეობის არმქონე პირისა) სტანდარტული ვაუჩერის შესაბამის თანხას არ შეიტანს საქართველოს სახელმწიფო ბიუჯეტის შემოსულობების შესაბამის სახაზინო ანგარიშზე;

გ) მოსწავლე ოჯახთან ერთად მიემგზავრება საზღვარგარეთ და მოსწავლის მშობელი/კანონიერი წარმომადგენელი წერილობით მიმართავს სკოლას;

დ) დაუდგენელია მოსწავლის ადგილსამყოფელი;

ე) მოსწავლე არაერთგზის, უხეშად არღვევს სკოლის შინაგანაწესს;

ვ) ზოგადსაგანმანათლებლო დაწესებულებაში 12 წლის სწავლის შემდეგ მოსწავლემ ვერ დაძლია ეროვნული სასწავლო გეგმით დადგენილი მიღწევის დონე, არ აქვს კანონმდებლობით დადგენილი წესით მოპოვებული დაფინანსება და სტანდარტული ვაუჩერის შესაბამის თანხას არ შეიტანს საქართველოს სახელმწიფო ბიუჯეტის შემოსულობების შესაბამის სახაზინო ანგარიშზე.

2. ამ მუხლის პირველი პუნქტით გათვალისწინებული საფუძვლით მოსწავლის სტატუსის შეჩერების შემთხვევაში სკოლა ვალდებულია ამის თაობაზე მოსწავლის მშობელს/კანონიერ წარმომადგენელს აცნობოს გადაწყვეტილების მიღებიდან 3 დღის ვადაში.

3. მოსწავლის სტატუსის შეჩერება და მოსწავლის სტატუსის აღდგენა ხდება სკოლის დირექტორის ინდივიდუალური ადმინისტრაციულ-სამართლებრივი აქტით.

4. მოსწავლის მშობელმა/კანონიერმა წარმომადგენელმა, რომელსაც სურს მოსწავლის სტატუსის აღდგენა უნდა მიმართოს იმ სკოლას, რომელმაც შეუჩერა სტატუსი ან მის უფლებამონაცვლეს.

5. მოსწავლე, რომელსაც აღუდგება მოსწავლის სტატუსი, უფლებამოსილია სწავლა გააგრძელოს შესაბამის კლასში, თუმცა დაძლეული აქვს წინმსწრები კლასის საგანმანათლებლო პროგრამა ან ისარგებლოს მობილობით.
6. მოსწავლის სტატუსის შეჩერების შემთხვევაში, მოსწავლის მშობლის/კანონიერი წარმომადგენლის წერილობითი მიმართავის საფუძველზე, მოსწავლის მშობელს/კანონიერ წარმომადგენელს გადაეცემა მოსწავლის დაბადების მოწმობა მოსწავლის სტატუსის შეჩერების პერიოდით.

## 6. სკოლის სიიდან მოსწავლის ამორიცხვა

1. სკოლის შინაგანაწესით გათვალისწინებულია მოსწავლის სკოლიდან გარიცხვა (საქართველოს კანონი "ზოგადი განათლების შესახებ" მუხლი #19, პუნქტი 12 და სკოლის შინაგანაწესის მუხლი 29 პუნქტი 11 ).
2. მოსწავლის სკოლიდან გარიცხვის გადაწყვეტილების მიღების უფლება აქვს სკოლის დისციპლინურ კომიტეტს ფარული კენჭისყრით.
3. მოსწავლის სკოლიდან გარიცხვის გადაწყვეტილების მიღების შემთხვევაში, დისციპლინური კომიტეტი ვალდებულია წერილობით აცნობოს სკოლის დირექციას მიღებული გადაწყვეტილების შესახებ.
4. წერილობით გადაწყვეტილების მიღებისთანავე, მოსწავლის სკოლიდან გარიცხვა ფორმდება დირექტორის ბრძანებით.
5. სკოლა ვალდებულია დირექტორის ბრძანების შესაბამისი დამოწმებული ჩანაწერი გააკეთოს მოსწავლის პირად საქმეში, სადაც აუცილებლად მითითებული უნდა იყოს ამორიცხვის მიზეზი და თარიღი.
6. სკოლიდან გარიცხულ მოსწავლეს უფლება აქვს სწავლა სხვა სკოლაში განაგრძოს.

